

Magtubu to tumô to Pol li biji Timoté Kwôlo kôl kwôli magtubu to Pol li hen

Timoté na, na kema wo yori na Jub, ôbi ay bôri. Ibari na grêk. Na iyé Listre a bô emê Asi a kirijna Pol ôrijn kergare tori toj ulê béré to têtê wôô hen ana ôbi ré uwonni ya. (Asi to têtê bô a hende to hen na, kemnêŋ ba hene na Turki. Jé lê bay jé 16:1-3). Ayij tôri wulê bi wo hen na, Timoté yi têtê kibi *ôbi jé Pol perê ka kwôni a. Timoté bi Pol ôrijn nan kirij kirij wô ulê béré men, Pol jéri têtê kwône wô nanê kwôlê wo denggel denggel perê bijé ka kwôlê woji sun kirij hen men. Na hen iyôn a hini ré yij bô magtubu to Jé lê bay jé 17: 14-15, 18: 5, 19: 22 men, bô magtubu to gay gay to Pol li hen men (1 Kworêntijê 4: 17, 16: 10-11, Pilipijê 2: 19-24, 1 Tésalonisijê 3: 2-6). Magtubu to wôô to Pol li biji Timoté hen men, biji Tit a men hen na, bay uwôgeji «magtubu to bay derê tumô kirij» (Lettres Pastorales).

Magtubu to tumô to Pol li biji Timoté hen na, kôl kwôli are subu:

1. Yêgê maa églis wô sa anjan gelé kan benare hen men, kwôli dayrê ermê wo Jubnê nan kwo bijé ka na Jubnê ré hen ta wo bijé ka pôni mase ciré ulê béreri hen.
2. Magtubu hende to hen kôl na kwôli geré tibé Emen men, derê tumô églis men, hal wo bay

derê tumô églis a men.

3. Deré kibri ba, hende gelij na Timoté geré lê jé wori men, berê sa bay ayê bôô a men aṅ bi ôbi ré yij mana wo Jésu Krist wo dôri (4:6).

Magtubu to Timoté to tumô hende to hen na, já soderére kirij wôô: Kwo tumô ba, kôl na kwôli gelij bay ayê bôô are men, naṅ bay derê tumôri men, (Sapitre 1-3) kwo jôgij wôô ba, na tôô to gengij sa jé wo Timoté a lê hen a men (Sapitre 4-6).

Dosé to Pol lij Timoté

¹ Nôbi, Pol a lê magtubu hende to hen. Nôbi wo ena *ôbi jé wo Jésu Krist wo Emen woṅ ôbi gôlij naṅ na hen a dôren men, naṅ kaṅ tôô Jésu Krist wo nana bi bôrna sari a a men hen. ² En li magtubu hende to hen bem jôbi Timoté wo ju yi mega keman woṅ bôn iyôṅ, sa kibi ayê bôô wom hen. Bi Ibarna Emen naṅ Jésu Krist Kelma wona tô kibriji sam a men, bi bay bô tu ja tom men, bi bay jal bôm a men.

Pol yêge maa Timoté wô sa bijné kaṅ bay gelére are kaṅ benare hen

³ Mega wo na en kôlem wulê wo na ena ôrij Maséduwan hen na, mô a Epês a wôsa bijné ka pôni kaṅ bay gelij megêri angaṅ benare hen na, ju kôlji bi bay dī ba. ⁴ Men, kôlji bi bay ré merên yirji sa kwôlê woṅ dilemne a ré men, bay ré narij kwôlê wo gengij sa tô môṅ woji wo kô ré hen ré a men. Wôsa are bay ka iyôṅgi hen na, uwôl na naripare mera dība, bijn naṅ geré gelé

wo Emen genge aṅ nana hôn naṅ ayê bôô hen né.
⁵ En ay tôn bem kôl hen iyôn na wô wo bay ayê bôô ré geyiṅ yirji naṅ bôô pôn men, naṅ ermé wo dôri men, naṅ bê bôô woṅ tiri a men. ⁶ Bijné ka pônî kaṅ bay gelé aṅaṅ benare bay ka hen bul cêgeriji bij hal wo dôri bi wo hen aṅ bay ge kay sa nariṅare kwôlê woṅ iyôn a tôṅ bi wo hen. ⁷ Bay gey ciré yé damné kaṅ bay geliṅ bijné tôô to Emen, niṅba, bay gaṅ kôba, hôn kwôlê woji bi wo hen ré men, kwôlê wo bay kôl naṅ ibiyare hen kôba, bay hôn tôri ré a men.

⁸ Nana hôn mega wo tôô to Emen na ré dô, hena nana ay liṅ jé naṅ geréri. ⁹ Bi na henêṅge mega wo tôô ré djiṅ na wô sa bay lêre aṅaṅ derôre ré. Niṅba, hende djiṅ na wô sa bijné kaṅ bay dâgê sa tôô naṅ bay bê kwôlê ré hen men, bay lê habré naṅ bay lê têriṅ hen men, bay bijnare Emen naṅ aṅga yi naṅ jeṅgêrji hen kwôlê ré hen men, bay deré balêrji naṅ bay deré bijné hen men, ¹⁰ bay yiṅ yiṅare toṅ iyôn a tôṅ hen men, bay yiṅ naṅ megêrji impê hen men, bay lê jeṅga gawrê hen men, bay benare hen men, bay gwôserê kwôlê tumô kilmé hen men, wô aṅga dâṅgi kêm ka habiṅ ka bij naṅ aṅga tiri ka na nana geliṅ bijné ka Emen gey nana li hen né. ¹¹ Aṅaṅ gelé kaṅ tiri bay ka hen na, yi na bô Kwôlo Dôri wo Emen na bèn kôben a hen. Kwôlo dôri bi wo hen na, gengiṅ na sa Emen woṅ ôbi hini emê hen men, wo na hanê derê hen a men hen.

Pol liṅ Emen dosé wô sa bô derê wori

¹² En lip Jésu Krist Kelma wona dosé wô wo ôbi ben néé sa jé wupê. En liri dosé wôsa ôbi bôren môp ôbi bôpôn iyôn̄ aṅa ré dôren bi ené li jé wori hen. ¹³ Bi wo ca ba, na en iyêl kwôlê wo habij̄ gengij̄ sari men, na en gili gusij̄ men, na en tiréri a men hen. Nipba, Emen bô tu ṅa tijê wôsa na en bi bôn sari a ré men, tun na jôrij̄ sa aṅa na en li hen né a men. ¹⁴ Wô bijare to en bij̄ naṅ Jésu Krist hen na, Kelma wona tô kibri damaṅ a san a men, ôbi ben en bi bôn sari a men, ben en gey bijé ka dṅaṅi a men. ¹⁵ Na tu kwôlê a ené kelê hen, aṅ dô wo bijé kêm ré bi bôrji sara: Jésu Krist era sa terare a nà wô gôlij̄ naṅ bijé kaṅ bay lê têrij̄, aṅ nôbi kôba, ena ôbi têrij̄ wo gôlij̄ sa bay lê têrij̄ kêm aṅ sôṅ. ¹⁶ Na ôbi á, Emen ré bô tu ṅa tijê aṅ bi Jésu Krist ré gel ulê bôpôn wori naṅ geré wupê nôbi dami ôbi lê têrij̄ aṅ bi ré yi aṅaṅ gelé bij̄ bijé ka ca sa bê bôrji sari a aṅ uwôrij̄ gelê wo naṅ kwini bi wo hen men hen. ¹⁷ Bi bijé heram men, ay kibi Kelma wo dami wop̄ ôbi merê naṅ kwini hen kwôy kwôy men, kwo a ma ré hen men, kwo kwôni gili ré a men hen. Ôbi a na Emen pôn nêṅ hari. *Amên, bi yi gelij̄ hen iyôn̄.

¹⁸ Keman Timoté, en bêm kaṅ tôô hende to hen kôm a mega wo bay kibi Emen na kôl tumô gengij̄ sam hen iyôn̄. Erem sa kwôlê woji bi wo hen a aṅ bi li naṅ ju sa kumbul wo ju li naṅ bijé kaṅ bay gelij̄are bijé aṅaṅ benare hen. ¹⁹ Gem ayê bôpôn wom dô men, gem ermé wom a men. Wôsa bijé ka pôn̄i kaṅ lê jé naṅ ermé wo dôri bi wo hen aṅ mênij̄ ayê bôpôn woji. ²⁰ Si Himéné naṅ

Alêksander na perê bijné bay ka hen. En nôgiji bijn Sidan aɲ bi bay ré halij aɲ bi cêgê ba, bay ré tiiré Emen ré nij.

2

Kaɲ tôô to gengij sa uwôlê Emen

¹ Iyôn ba, aɲga bu bôn daman ka en ayij tôôn bijn bay ayê bôô na, na bi bay ré engerij Emen ré bijn bijné aɲga bay ôrij doyriji hen men, bay ré uwôli men, bay ré sôm sari a men, bay ré liri dosé wô sa aɲga ôbi li bijn bijné kêm hen a men. ² Uwôlênge Emen wô sa kilmé men, wô bijné kêm ka kenare kôbriji a hen a men, aɲ bi nana môrij dê naɲ bô jalê men, bi nana dī yerna yi Emen a dô men. ³ Uwôlê Emen wô sa bijné kêm na, na aɲga dôri men, na aɲga dé tu Emen woɲ ôbi gôlij naɲ na hen a men. ⁴ Ôbi gey hen iyôn bi bijné kêm ré gôl men, bay ré hôn tu kwôlê a men. ⁵ Wôsa Emen na pôn nêɲ hari men, ôbi débé derôriji a naɲ bijné na, na Jêsu Krist pôn nêɲ hari men, ôbi na gawra a men. ⁶ Ôbi ay yiri lij sarga aɲ bi bijné kêm ré mô sarji senge. Ôbi li hen iyôn gelij bijné ka Emen ré gey gôlij naɲ ci. Ôbi gel hen iyôn na wulê wo Emen na genge hen. ⁷ Na ôbi á, Emen ré dén bi ené yi ôbi uwôlê béré men, *ôbi jé wo Krist a men hen. Aɲ bi ené gelij bijné ka na Jubnê ré hen aɲga gengij sa ayê bôô men, tu kwôlê a men. En kôl na kwôlê woɲ tiri dība, na benare ré.

⁸ En gey bi bijné ré uwôl Emen naɲ kirij kirij men, bay ré pô kôbriji wo séli ta aɲ uwôlijni

naɲ bô wo pôn men, naɲ bô tarê ré men, naɲ naɲare ré a men.

Kwôlo gengiɲ sa aɲga yébé ré li

⁹ En gey bi yébé ré ha bargay kaji naɲ tô gerériji dîba, kaɲ lamɲ impê hen né men, bi bay ré duu yirji tôɲ men, bi ré pôy sarji toɲ bayrare ré men, ré elagêrê yirji naɲ lôr ré men, naɲ ré men, ré tôbe bargay ka gararji gaɲ hen né a men. ¹⁰ Niɲba, aɲgaɲ kalmare kaji ba, bi yi na jé lêreji wo dôri hen, ôbi a dé yébé ka kôl ciré na ka Emen hen. ¹¹ Kirɲa yébé mô wô toyé kwôlê na, bi bay herage ré men, bi biɲ ôbi halêrji hen kwôlê a men. ¹² En jôô wo yébé ré geliɲ impê are men, ré ôm sarji ré men, ré herage ré a men. ¹³ Wôsa Emen dî Adam tumô dema ré dî Êb tô. ¹⁴ Men, na Adam a dé Sidan lamni ré niɲba, na iyore a dé ôbi lamne men, d'agiɲ sa tôô to Emen a men. ¹⁵ Iyôn hari kôba, iyore a upé gelê wô kamrê ka hende a yê hen men, hena hende ré gem ayê bôô wore men, hena hende ré gey biɲé men, hena jé lêre ré dé tu Emen men, hena hende ré pôy yere a men.

3

Bay derê tumô églis to bay ayê bôô

¹ Kwôlo ena kelê hen na, na kwôlê woɲ tiri. Hena kwôni ré ôriɲ doy yé ôbi derê tumô églis to bay ayê bôô na, ôbi deɲga na jé wo dôri hen. ² Ôbi derê tumô kirɲ na, bi yi kwôni wo bay dô kwôli dô men, kwo tamni pôn men, ôbi beré

yiri men, ôbi gemé yiri men, ôbi lêre are naɲ tô gerérji men, ôbi beré kergê yiri a men, bi nê m gelij bijné are a men, ³ bi yi ôbi yê care ganné men, ôbi bégerem ré a men, nijba, bi na kwôni wo kalêri jal men, ôbi naɲare ré men, ôbi geyé gursu gaɲ né men, ⁴ bi bô sa iyére tori dô men, hal kamni aɲ bi bay ré liri sa iyêrê ré men, ré biri kwôlê dô a men. ⁵ En kôl hen iyôn wôsa hena kwôni ré hôn berê sa iyére tori ré ba, ôbi a lê iyeɲ a ré dôrij tumô églis to bay ayê bô ba? ⁶ Men, bi na kwôni wo ay bôri haw ré wô wo ôbi maa dê denɲôri, aɲ Emen maa biri mega wo na berij Sidan hen iyôn men, ⁷ bi bijné ka ay bôri ré hen kôba, bi dô kwôli dô a men. Ré ba, tayre a diri tumôri a aɲ ôbi maa kurij bô boyre to Sidan a.

Diyakerɲê

⁸ Diyakerɲê kôba, bi bay yi bay lêre are naɲ gerérji men, bay gwôserê kirij ré men, bay yê care gaɲ né men, bay a emê lim né a men. ⁹ Men, bay a beré tu kwôlê woɲ ayê bô wo Emen na yêge sari hen naɲ ermé wo dôri men. ¹⁰ Men, bi bay sélji tumô aɲ hena bay ré li ani kani ka habij ka bay ré uwôlij kwôlê sarji a naɲ dema kené biji jé kôbriji a tô. ¹¹ Yébé kaɲ diyakerɲê kôba, bi yi bay lêre are naɲ gerérji men, bay kôlijare bijné kwôlo habij né men, bay yê care gaɲ né men, bay lêre are kê m naɲ bô pôn men. ¹² Diyaker na, na kwôni wo a ôrij naɲ iyore pôn nêɲ. Bi ôbi bô sa iyére tori dô men, hal kamni dô a men. ¹³ Hena diyakerɲê ka ré li jé woji dô na,

bijné a biji kwôlê men, bay jé bay ka hen a kelê kwôli ayê bôô wona tô Jésu Krist a nañ ibiyare.

Kwôlo dami wo na yi nañ kini uwôbêri wo Emen yêge sari

¹⁴ En li magtubu hende to hen bem hanê nijba, en erem wo ené erê gelem hen ya a men. ¹⁵ Añ hena ené bij lew ré ba, magtubu hende to hen a gelem hal wona wo dôri wo nabay bijné ka Emen ka na églis to Emen woñ ôbi merê tu geñ hen. Églis hende to hen gere tu kwôlê môn gurô woñ derô iyére nañ tô iyére gerij iyére hen iyôn.

¹⁶ Na tiri, kwôlo na yi nañ kini uwôbêri wo Emen yêge sari béna wo gengij sa ayê bôô wona hen na, na kwo dami. Añ kwôni wo a nême narê ba, nañ.

Krist, kwo Emen dôri hen era nañ yiri môn gawra iyôn men,

Tunu toñ hendi bô bôre yêge sari mega kwôni woñ derôre men,

*manê ka derômarañ a kôba, gili a men.

Bay uwôl béreri perê tô yê bijné ka sa terare a na men,

bijné kwône sa terare a nà, na bi bôrji sari a men, Emen na ayri hôrij ta derômarañ a a men.

4

Bijné kañ bay gelére are kañ benare

¹ Tunu toñ hendi bô bôre kôl wañ a ta kôl iyôn ba: Bô gerjé wulê wo nana mô bô a hen na, gawré ka pôni a déñ ayê bôô woji men, bay a kebê tô tunu toñ hende benare hende to hen men, bay a erê na tô anğan gelé ka tunu to habij

hende to hen men. ² Bay a dé bijné kaɲ bay kelê kwôlê kibriji wôô wôô naɲ kaɲ bay benare bay ka ermé woji naɲ môɲ ré uwon naɲ musure to sêy to bay dera bô tare a iyôn hen gerɲ naɲ ci kayê. ³ Bijné bay ka hen gelɲ megêrji bi bay ré enge yébé ré men, aɲga pônî kôba, ré dô emê ré a men. Nɲba, Emen a dé aɲgaɲ emê bay ka hen bi bay ayê bôô ka hôn tu kwôlê hen aɲ kirɲa bay ré liri dosé sara menba, ré ôm. ⁴ Ari dé Emen kêm na ka dôri dîba, ani kani kaɲ kaɲê ba, naɲ. Wôsa are bay ka kêm ka Emen bi hen na, na enge aɲ na liri dosé wô sarji. ⁵ Wôsa kwôlê wo Emen men, uwôlêri a men na, li wo aɲgaɲ emê bay ka hen dé tu Emen.

Ôbi jé wo Jésu Krist wo dôri

⁶ Hena jeré gelɲ bay ayê bôô are bay ka hen kwôy kwôy men, hena jeré gôse yem naɲ kwôlê won ayê bôô men, naɲ aɲgaɲ gelé kaɲ tiri ka ju bi kwôlê sara hen a men na, já yé mana wo Jésu Krist wo dôri. ⁷ Toy kwôlê won dilemne wo gali wo bijn naɲ ayê bôô ré hen ré men, mase bi ju dî yem yi Emen a dî men. ⁸ Hena kwôni ré li are gay gay bi ibéri ré iyêserê na, na aɲga dôri haji nɲba, dé yi yi Emen a a na aɲga dôri ka dê are kêm. Wôsa a lê naɲ ju haw hen men, tôre to cêgê a men. ⁹ Kwôlê bi wo hen na, na tu kwôlê aɲ dé wo bijné kêm ré bi bôrji sara. ¹⁰ Na wô ôbi bi wo hen aɲa nana berɲ yerna iyêre lɲ jé wô uwônɲ gelê wo Emen na genge dîré béna hen, wôsa nana bi bôrna na sari ôbi won ôbi merê tu geɲ hen men, ôbi gôlɲ naɲ bijné kêm hen a

men. An gôlij nap bijné ka bi bôrji sa Jésu Krist a tumô.

¹¹ Ju gelji are bay ka kêm hen men, ju ay tòm biji bi bay ré li a men. ¹² Bi kwôni tôrjem wôsa jeré na kema mana ré, nijba, ju yi ôbi gelijare bay ayê bôô tô geré nap kwôli kelêrem men, jé lêrem men, geyé wo ju geyij bijné hen men, bê bôô wom sa Emen a men, bô bôré wom a men. ¹³ Pa dema ené bijn uném tô na, dī yem sa densê magtubu to Emen a tumô bijné men, uwôl béré kwôlê dôri men, halji a men. ¹⁴ Lij wôrê nap néé wo Emen bem hen né. Ôbi na bem kirija bay kibi Emen na kôl kwôlê gengij sam an surjé na uwôlij kôbriji sam a men hen. ¹⁵ Na jé bi wo hen ana jeré lê men, ay yem bijn jé bi wo hen bi bijné kêm gel mega wo jeré dô tumô tumô tô geré wo Emen a. ¹⁶ Di tu melênê sa hal wom a men, dī tu melênê sa anja ju gelij bijné hen men, debe iyêre sara a men. Hena jeré li hen iyôj na, já gôlij nap yem men, já gôlij nap bijné ka toy kwôlê wom bi wo hen a men.

5

Hal wom tumô bay ayê bôô a

¹ Kirija ju mô wô panê kwôlê nap kwôni wo suri na, ju nayri ré nijba, ju iyêli nap tòm to jali, mega wo ôbi ré na ibam iyôj. Kam manê ba, ju bôrji mega wo bay ré na yênêm iyôj a men. ² Bô yébé ka iyêrnê mega ré na yonêm iyôj men, kam kalmê ba, ju bôrji mega yênêm kap yébé iyôj dība, ju li tu bôriyare sarji a ré.

³ Bijn yébé kaɲ mamê ka kwôni woɲ ôbi berê sarji naɲ hen kwôlê men, ju li naɲ ci a men. ⁴ Nijba, hena iyore toɲ mamne ré ôriɲ naɲ kamne ley kwôɲgêre ley ya na, bi bay dôyrê lê jé sa ayê bôô woji a sa balêrji tumô wôsa balêrji naɲ môpêrji na li naɲ ci na hen iyôɲ men. Wôsa lê bi wo bay li hen iyôɲ hen na, na aɲga dé tu Emen. ⁵ Iyore to na mamne tiri aɲ kwôni woɲ ôbi berê sare naɲ na, hende bi bôre na sa Emen a men, uwôli men, sôm sari a a men kwôy kwôy bi ôbi ré li naɲ tu. ⁶ Nijba, mamne toɲ hende lêre aɲga bôre hende a geyé mera hen na, hende mô tu geɲ hare nijba, hende yi mega kwôni wo ma iyôɲ. ⁷ Gelji kwôlê bi wo hen aɲ bi kwôni ré kôl kwôliji wôni wo habiɲ né. ⁸ Hena kwôni ré bô sa bijné ka bô iyére tori a naɲ balêri dô ré na, ôbi déɲ na ayê bôô wori hen. Aɲ ôbi li na habré wo dé kwôni wo ay bôri ré hen sôɲ.

⁹ Yébé kaɲ mamê ka já dé hiniji bô magtubu a aɲ lê naɲ ci a na: hena hende ré ôriɲ naɲ elê tôre jii men, hena kurôre na ré na pôn men, ¹⁰ bi hende yi iyore to bijné na ay kebre sa ari lêre ka dôri a men, bi na iyore to na gem kamne dô men, na bu kergê yere a dô men, na pul tê bijné ka Emen naɲ dôbê sa men, na li naɲ bijné ka na mô perê bô emê men, na ay yere bijn aɲgaɲ lê ka dôri a men nij na, ju dî hene bô magtubu a ham nij.

¹¹ Kwôlo gengiɲ sa yébé kaɲ mamê ka baa kalmê tô hen na, dî hiniji bô magtubu a ré, wôsa dô réba doy yiɲ naɲ impê a liji aɲ bay a geyé engé impê ka dɲangi aɲ a déɲ geré wo Jésu Krist.

¹² Hena bay ré li hen iyôn na, Emen a ulê kwôlê sarji a wôsa bay mène tôô to bay na ay ciré ayê yirji lij jé bij Jésu Krist hen. ¹³ Hena bay ré enge imnê ré nij kôba, kirijna hiniji dîj bô magtubu a nij na, dô ré ba, bay a yé bay kuyare aŋ ôrij naŋ kibi iyére iyére kaŋij lij jé men, bay a erê wô lê way men. Kwo dê aŋ na, bay tôbe kibriji bô kwôlê wo bîjé men, bay kôl na kwôli aŋga dôlji ré hen a men. ¹⁴ Na wô sa bi wo hen aŋa ené gey bi yébé kaŋ mamê ka ba kalmê tô hen bi ré enge imnê men, ré yêŋ kamrê men, ré bôrij sa iyére toji a men, dîba, ré bij bay barena geré bi ré kôlij kwôlê wo habij gengij sarna ré. ¹⁵ En kôl hen iyôn wôsa yébé kaŋ mamê ka pôni dîji geré woŋ derôre hen aŋ, aŋ ôrji tô Sidan a.

¹⁶ Hena iyore toŋ hendi ayê bôô ré ôrij naŋ yébé kaŋ mamê ka na balére ya na, bi hende bô sarji, dîba, bi hende nôgiji bij églis ré. Aŋ bi églis ré dîj yere bôrij sa yébé kaŋ mamê ka kwôni wo ré bô sarji naŋ hen dî.

¹⁷ Surjê ka dô tumô bay ayê bôô dô hen na, bi ken biji kwôlê dô men, ken têbiji dô a men. Nijba, ka dô kwôlê men, halênge a men hen na, ken biji kwôlê damaŋ a. ¹⁸ Wôsa kwôlê wo Emen kôl iyôn ba: «Kirijna kelba ré dîirê kaw wô téreji ba, dô wo jeré ha kibri ta ré.» Kwôlo Emen bi wo hen hô kôl iyôn ba: «Kwôni wo ré li jé ba, dô wo ré uwôn sa kôbri a men.» ¹⁹ Hena kwôni ré uwôl kwôlê sa kwôni wo suri a pôni bô églis a ré li ani kani aŋ hena bîjé ré nêŋ wôô réba subu ré kôl hen iyôn a ré na, ju bi bôm sara ré.

²⁰ Bijné kañ bay lêre têriñ yôôd hen na, ju nayji tu kwônê bijné añ bi ka ðanji ré hare.

²¹ En uwôlem tumô Emen a men, tumô Jésu Krist a nañ tumô manê kari ka derômarañ a ka ôbi tôrji hen a men, bi ju bi kwôlê sa kwôlê wo en kôlem a hen. Li ani kani kañ derê tu kirijñ né men, ju ô tô kwôni a iyônñ mera ré men. ²² Hena lew ju uwôl kôm sa kwôni a bi ré lijñ jé bô églis a ré. Dô wo ju hôni dô tumô dem réba yi mega jeré li têriñ hende to ôbi li hen men. Li ani kani ka habijñ ré, nijba, ju yi kwôni wo séli ði. ²³ Dô wo ju yi kam piniji mera ré nijba, ju yi care dê iyônñ a men wô bôm wo lêrem gañ gañ hen.

²⁴ Têriñ to bijné ka pônï yi tu wolé pa dema bay ré jô kwôlê sarji a tô. Nijba, tô bijné ka pônï na, kirijña kwôlê bu sarji dema jeré henê têriñ lêreji tô. ²⁵ Jé lê wo dôri wo bijné ka pônï li hen na, yi tu wolé a men. Hena ré yi nô tu wolé lew ré kôba, a uwôbijñ sem né.

6

¹ Bijné kêm ka na limé hen na, bi bay duu yirji añ bijñ bay iyére toji kwôlê añ bi kwôni ré tiiré Emen ré men, ré kô kwôlo habijñ gengijñ sa angañ gelé ka nana gelji hen ré a men. ² Limé ka bay iyére toji na bay ayê bôô hen na, bay a kañê biji kwôlê wô wo bay ré na yênêrji bay ayê bôô mera ré, nijba, bi bay li jé woji dô damañ a, wôsa bijné ka bay li jé biji hen na, na bay ayê bôô ka bay geyji hen.

Kwôlê wo gengijñ sa gelé are kañ benare nañ ari uné kañ tiri

Gel, anğa já gelij bijné men, dôbijnji ibiyare bôrji a a men a na: ³ Hena kwôni ré gelij bijné anğa đanđi ađ kađ tu kwôlê wo Kelma wona Jêsu Krist men, gelé wo nana gelij bijné sa anğa bijn nađ ayê bôô wona hen ré a men na, ⁴ ôbi na ôbi uwôyrê yiri đéđ iyôn men, ôbi hôn ani ré kwôy men, doy naripare kwôlê nađ napare sa iyay kwôlê wođ kelê a liri mera a men. Are bay ka hen na, sađ nađ terbére men, bijn tôrji narip kwôlê men, tirij yirji kwôy kwôy men, ermé kwôlê wo habij gengij sa megêrji a men. ⁵ Naripay kwôlê wo kô ré hen yi perê bijné bay ka ermé wođi mênij hen men, ka hôn tu kwôlê ré yôđ hen a men. Bay erem mega wo bê bôô sa Emen na, ré na geré ari uné.

⁶ Na tiri, hena kwôni ré bi bôri sa Emen a na, ôbi na ôbi uné tô kwôlo Emen a, hena yiri ré dôri sa anğa ôbi ôrij kôbri a hen. ⁷ Wôsa nana era sa terare a nà kôbrena seđe men, na belé herê kôbrena seđe a men. ⁸ Iyôn ba, hena nana ôrij nađ anđan emê men, bargay a men na, bay a hen nêđ iyôn. ⁹ Bijné ka gey yé bay uné bay ka hen na, herij bô anđan lamê a. Ađ yi môđ bay ré herij na bô boyre a iyôn wô doy anğa galí nađ ka habij ka liji hen. Doy are bay ka hen na, mêneji yôđ mega wo ré na cér a ré perêđi iyôn. ¹⁰ Wôsa geyé gursu na, na tô hanê mênê wo gay gay hen kêm. Ađ bijné ka pônî ôrij doy uné gursu damađ ađ li wo bay ge kay tô ayê bôô wođi a ađ deđđôrđi lebarêđi damađ.

Kađ tôô Pol to ay bijn Timoté

¹¹ Nij̄ba, j̄ôbi gawra wo ju na kwo Emen na, dô wo ju dôbe kôbem bô an̄ga habij̄ bay ka hen a ré. Mase woge geré lê an̄gan derôre tumô Emen a men, bi jé lêrem yi mega kwo Emen gey hen iyôn̄ men, bi bôm sari a kwôy kwôy men, gey megam men, uwôl bôm ān ju yi kwôni wo kalêri jal a men. ¹² Mega wo ju bi bôm sa Jésu a hen iyôn̄ na, mase bi ju li an̄ga ôbi gel hen, ān jeré uwôn̄ij̄ sa kôm wo na gelê wo nān kwini hen. Emen na uwôgem bi jeré li are bay ka iyôn̄gi hen kirij̄a na ju kôlij̄ kwôli ayê bôô wom tumô kwônê b̄ijé hen. ¹³ En ay tòn bem tumô Emen wop̄ ôbi bé are kêm mô tu gep̄ hen men, tumô Jésu Krist a wo na kôl kwôlê wop̄ tiri tumô kelma Pos *Pilata kwôy hen, ¹⁴ bi jeré bi kwôlê sa kwôlê bi wo hen a men, déj̄ ani kani ān né men, li ani kani ka habij̄ sara ré a men. Li hen iyôn̄ kwôy jéj̄ kirij̄a Kelma wona Jésu Krist a herap̄. ¹⁵ Ôbi a bulo hera sa to Emen a gengé, ôbi na kwo b̄ijé ay kibri men, ôbi pôn̄ nêj̄ hari a ôrij̄ nān néé men, ôbi na Dami wop̄ sa kilmé men, Dami wo damné ka ôm kirij̄ sa terare a na a men. ¹⁶ Ôbi pôn̄ nêj̄ hari a na kwo ma ré men, ôbi mô bô kirij̄ ka peran̄gi ka jôrij̄ b̄ijé geléri hen men, kwôni na gili tumô ré men, kwôni a nê mê geléri haw hen ré a men. Damp̄are nān néé wo yi sari nān kwini. *Amên, bi yi gelij̄ hen iyôn̄.

¹⁷ B̄ijé kap̄ bay up̄é ka haw hen na, ay tôm biji bi bay ré uwôyrê yirji ré men, ré bi bôrji sa ari up̄érji bay ka hen né a men, wôsa bay hôn wo

aŋgaŋ upé bay ka hen ré yé kwôy kôba, bay hôn né hen na, bi bay ré bi bôrji sa Emen woŋ ôbi bé are kê m naŋ kwônêrji aŋ nana môriŋ naŋ yi derê hen dī. ¹⁸ Kôlji bi bay ré li aŋga dôri men, bi ari upérji ré na lê aŋgaji ka dôri men, bay ré yi bay lê derê men, bay ré fu baliyare naŋ biŋé naŋ ari upérji a men. ¹⁹ Hena bay ré li hen iyôŋ na, bay dī aŋgaŋ upérji bay ka hen na kini uwôbêrji ka dôri a wô wulê wo kiyay. Ôbi á, bay ré sa merê derê naŋ gelê wo naŋ kwini.

²⁰ Timoté, cubu tum sa aŋga Emen bêm kôm a hen. Dôbe kem bô kwôlé woŋ déŋ iyôŋ a aŋ biŋ naŋ ayê bôô hen ré men. Dôbe kem bô kwôlé wo gengiŋ sa henê are a niŋba, na henê are bay ka hen né a men hen. ²¹ En kôlem hen iyôŋ wôsa biŋé ka pôni ka kôl ciré ôriŋ naŋ henê are bay ka hen aŋ bay na déŋ ayê bôô woji.

Bi bô derê wo Emen baa naŋ ken.

Magtubu tôô top bijare to kôrbi
Kimré: Magtubu tôô top bijare to kôrbi New
Testament

copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

9dff176-4e78-52cc-9acd-204efe85cf84